

Agencija za vodno područje rijeke Save Sarajevo, kojeg zastupa V.D.direktora Dženana Remić (u daljem tekstu Agencija)

Univerzitet u Sarajevu - Prirodno-matematički fakultet, kojeg zastupa Dekan Fakulteta, prof. dr. Nusret Drešković (u daljem tekstu Prirodno-matematički fakultet)

Potpisuju:

SPORAZUM O SARADNJI

Uvod

Prepoznajući potrebu za saradnjom i partnerstvom predstavnici

Agencije za vodno područje rijeke Save i
Prirodno-matematičkog fakulteta

(u daljem tekstu navedeni kao: Potpisnici Sporazuma) potpisuju Sporazum, u odnosu na njihove službene nadležnosti, njihovu spremnost i namjeru da unaprijede i prošire međusobnu saradnju.

Član 1

Potpisnice ovog Sporazuma su saglasne da će međusobno sarađivati u realizaciji poslova proizašlih iz zakonom utvrđene nadležnosti i usvojenih strategija, planova i programa, sa ciljem zaštite voda, korištenja voda, te zaštite od štetnog djelovanja voda, zaštite okoliša i racionalnijeg korištenja vodnih resursa, primjenom savremenih metoda istraživanja.

Član 2

Sporazum predstavlja opći okvir za institucionalnu saradnju, te omogućava razvoj specifičnih programa saradnje od obostranog interesa.

Saradnja će se odvijati kroz sljedeće aktivnosti koje su od obostranog interesa potpisnica sporazuma:

- saradnja u oblasti visokog obrazovanja, sa ciljem poboljšanja naučno-nastavnog i naučno-istraživačkog rada;
- saradnja u realizaciji naučno-istraživačkih, razvojnih i inovativnih projekata na nacionalnom i međunarodnom nivou;
- angažovanje kadrova i organizacionih resursa u osavremenjavanju nastavnih i vannastavnih aktivnosti studenata;
- saradnja u vezi sa organizovanjem stručne prakse, odnosno praktične nastave studenata;
- zajedničko učešće na domaćim i međunarodnim kongresima, okruglim stolovima, prezentacijama sa temama od zajedničkog interesa;
- drugi poslovi/aktivnosti od zajedničkog interesa.

Član 3

Sporazumne strane se obavezuju da će međusobna saradnja u svakom pogledu biti u skladu sa važećim zakonskim propisima i obavezama preuzetim ovim Sporazumom.

Član 4

U okviru međusobne saradnje, sporazumne strane će se pridržavati sljedećih pravila:

- dobre poslovne prakse,
- uzajamnog povjerenja i solidarnosti,
- uzajamnog obezbjeđivanja najpovoljnijih uslova saradnje,
- poštovanja potreba drugih,
- poslovne tajne.

Član 5

Sporazum stupa na snag danom njegovog potpisivanja.

Saradnja na osnovu ovog Sporazuma trajat će onoliko dugo koliko Potpisnici budu smatrali da je to u njihovom obostranom interesu.

Član 6

Sporazum može prestati da važi na zahtjev svakog od Potpisnika, uz prethodnu pismenu najavu sa kratkim obrazloženjem razloga za takvu odluku.

Član 7

Sve eventualne sporove koji se pojave u pogledu tumačenja i implementacije Sporazuma, potpisnice će rješavati u duhu dobre saradnje i uzajamnog poštovanja.

Ovaj Sporazum nije ugovor i stoga ne uspostavlja bilo kakve pravne obaveze za Potpisnike.

Član 8

Ovaj Sporazum je napisan u četiri jednaka primjerka, od kojih svaka strana dobiva po dva primjerka.

Broj: 01-1435-1/24

Sarajevo, 27.12.2024.

Agencija za vodno područje rijeke Save



M.D. DIREKTOR

Dženana Remić, dipl.iur.

Broj: 01/01-3260/11-2024

Sarajevo, 27.12.2024.

Univerzitet u Sarajevu

Prirodno-matematički fakultet

DEKAN FAKULTETA

prof.dr. Nusrat Drešković

